



Broj: 02-16-3-25-18/24
Tuzla, 28.05.2024. godine

Na osnovu člana 61. Zakona o upravi („Službeni glasnik BiH“, broj: 32/02, 102/09 i 72/17), člana 64. stav (1) tačka b), člana 70. stavovi (1), (3) i (6), člana 8. stav (2) tačka d) Pravilnika o uspostavljanju i radu Komisije za nabavku („Službeni glasnik BiH“ broj: 103/14 i 49/23), člana 17. Pravilnika o javnim nabavkama u Agenciji za antidoping kontrolu Bosne i Hercegovine broj: 01-02-3-688/22 od 10.12.2022. godine, na Preporuku Komisije za javne nabavke broj: 02-16-3-25-15/24 od 28.05.2024. godine, u postupku javne nabavke usluga laboratorijske analize doping testova urina i krvi u laboratoriji ovlaštenoj od strane Svjetske antidoping agencije (WADA) putem otvorenog postupka, direktor Agencije za antidoping kontrolu Bosne i Hercegovine **donosi:**

O D L U K U

o izboru najpovoljnijeg ponuđača za nabavku usluga laboratorijske analize doping testova urina i krvi u laboratoriji ovlaštenoj od strane Svjetske antidoping agencije (WADA)

Član 1.

Prihvata se Preporuka Komisije za javne nabavke, broj: 02-16-3-25-15/24 od 28.05.2024. godine i Okvirni sporazum za javnu nabavku usluga laboratorijske analize doping testova urina i krvi u laboratoriji ovlaštenoj od strane Svjetske antidoping agencije (WADA), u iznosu od 400.000,00 KM, dodjeljuje se ponuđaču Seibersdorf Labor GmbH sa sjedištem na adresi 2444 Seibersdorf, Austrija, ponuda broj: LC026/2024 od 26.04.2024. godine, dostavljena dana 08.05.2024. godine, sa ponudenom cijenom od 29.732,53 KM bez PDV-a odnosno 15.202,00 EUR-a bez PDV-a, kao najbolje ocijenjenom ponuđaču odnosno kao najbolje ocijenjena ponuda.

Član 2.

Ponuđač Seibersdorf Labor GmbH dostavio je najbolje ocijenjenu ponudu broj: LC026/2024 od 26.04.2024. godine, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine (u daljem tekstu: Zakon) u iznosu od 29.732,53 KM bez PDV-a odnosno 15.202,00 EUR-a bez PDV-a, koja ispunjava sve formalno pravne uslove tražene u tenderskoj dokumentaciji i koja je od strane ugovornog organa prihvaćena kao najpovoljnija ponuda.

Član 3.

Po pravosnažnosti ove odluke, ugovorni organ pozvat će izabranog ponuđača, iz člana 1. ove Odluke, radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Ova Odluka objaviće se na internet stranici Agencije za antidoping kontrolu Bosne i Hercegovine (www.ada.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona.

Član 5.

Za izvršenje ove Odluke zadužuje se Područje rada administracije, međunarodne saradnje i odnosa sa javnošću.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona.

O b r a z l o ž e n j e

Postupak javne nabavke pokrenut je Odlukom o pokretanju postupka nabavke usluga laboratorijske analize doping testova urina i krvi u laboratoriji ovlaštenoj od strane svjetske antidoping agencije (WADA) broj: 02-16-3-25-2/24 od 25.03.2024. godine. Javna nabavka provedena je putem otvorenog postupka s ciljem zaključivanja Okvirnog sporazuma na period od dvadeset četiri (24) mjeseca sa jednim (1) dobavljačem. Procjenjena vrijednost javne nabavke bez PDV-a je 400.000,00 KM. Planirano je provođenje e-aukcije.

Komisija za javnu nabavku imenovana je Rješenjem broj: 02-16-3-2/24 od 15.01.2024. godine, broj: 02-16-3-2-9/24 od 19.03.2024. godine i 02-16-3-2-12/24 od 14.05.2024. godine.

Obavještenje o nabavci broj: 372-1-2-54-3-10/24 objavljeno je na Portalu javnih nabavki 29.03.2024. godine, kao i tenderska dokumentacija, a sažetak obavještenja objavljen je u Službenom glasniku BiH broj 24/24 od 05.04.2024. godine.

Tendersku dokumentaciju sa portala javnih nabavki preuzeli su sljedeći ponuđači:

- | | |
|----------------------------------|-------------------------------------|
| 1) EKAPIJA DOO, | 5) SEIBERSDORF LABOR GMBH |
| 2) BABIĆ-BISSTOURS D.O.O.ZENICA, | 6) MANFRED DONIKE INSTITUTE, GERMAN |
| 3) BBS EUROPE, | SPORT UNIVERSITY COLOGNE |
| 4) EXPRESS COURIER D.O.O. | |



Rok za dostavljanje ponuda bio je do 15.05.2024. godine do 13:00 h a otvaranje ponuda je obavljeno isti dan u 13:30 h.

Na otvaranju ponuda nije bilo predstavnika ponuđača. Dostavljanje Zapisnika o otvaranju ponuda broj: 02-16-3-25-13/24 od 15.05.2024. godine izvršeno je prema svim učesnicima postupka nabavke u zakonskom roku [15.05.2024. godine] i to putem e-maila. Agencija je potvrdu prijema maila i zapisnika dobila od svih učesnika postupka nabavke dana 15.05.2024. godine i 16.05.2024. godine.

Shodno navedenom zapisniku sa otvaranja ponuda, Komisija konstatuje da su u roku za podnošenje ponuda pristigle dvije (2) ponude:

Broj protokola ugovornog organa	Redni broj omotnice ponude	Naziv ponuđača	Datum prijema
02-16-3-25-9/24	1	Seibersdorf Labor GmbH	08.05.2024. god u 11:04 h
02-16-3-25-10/24	2	Manfred Donike Institut, German Sport University Cologne	10.05.2024. god. u 08:25 h

Komisija za javnu nabavku dostavila je 28.05.2024. godine rukovodiocu ugovornog organa Zapisnik o pregledu i ocjeni ponuda broj: 02-16-3-25-14/24 od 28.05.2024. godine, Preporuku o izboru najpovoljnijeg ponuđača broj: 02-16-3-25-15/24 od 28.05.2024. godine i Izvještaj o radu broj: 02-16-3-25-16/24 od 28.05.2024. godine, u postupku javne nabavke – Otvoreni postupak javne nabavke - usluge laboratorijske analize doping testova urina i krvi u laboratoriji ovlaštenoj/akreditovanoj od strane Svjetske antidoping agencije (WADA).

U postupku po Izvještaju o radu utvrđeno je da je Komisija blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije (2) ponude,
- da su blagovremeno pristigle ukupno dvije (2) ponude,
- da nije bilo neblagovremeno zaprimljenih ponuda,
- da je ponuda ponuđača Seibersdorf Labor GmbH kvalifikovana i prihvatljiva te da su dostavljeni svi traženi dokazi propisani tenderskom dokumentacijom, na propisan način,
- da ponuda ponuđača Manfred Donike Institut, German Sport University Cologne nije prihvatljiva odnosno ista je nepravilna i odbacuje se na osnovu člana 68. stav (1), stav (4) tačka a), i) i j) Zakona o javnim nabavkama (Sl. Glasnik BiH broj: 39/14 i 59/22) iz sljedećih razloga:
 - Ponuda nije čvrsto uvezana [član 58. stav (2) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22 i član 8. Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15)]. U tenderskoj dokumentaciji je navedeno: „Ponuda se čvrsto uvezuje na način da se onemoguću naknadno vađenje ili umetanje listova“.
 - U obrascu za cijenu ponude (ANEKS 3) nisu navedene cijene (jedinичne cijene) za analize pod brojevima 2., 6., 11., 19., i 26. dok su za analizu pod brojem 27. navedene dvije cijene. U tenderskoj dokumentaciji u tački 4.4 navedeno je sljedeće: Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. Ponuđač je bio dužan dati ponudu za sve stavke.
 - Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama (ANEKS 4) – izjava je ovjerena od strane ponuđača i od strane Deutsche Sporthochschule Köln ali nije ovjerena od strane nadležnog organa.
 - Izjava ponuđača iz člana 52. Zakona o javnim nabavkama (ANEKS 5) – izjava je ovjerena od strane ponuđača i od strane Deutsche Sporthochschule Köln ali nije ovjerena od strane nadležnog organa.
 - Nacrt okvirnog sporazuma – popunjen i potpisan (ANEKS 7) - nacrt okvirnog sporazuma nije potpisan i ovjeren od strane ponuđača i nisu navedene cijene za analize pod brojevima 2., 6., 11., 19., i 26. dok su za analizu pod brojem 27. navedene dvije cijene. Članom 9. stav (2) tačka g) Uputstva za pripremu modela tenderske dokumentacije i ponuda („Službeni glasnik BiH“ broj 90/14 i 20/15) propisano je da ponuda sadrži „potpisan prijedlog ugovora ili okvirnog sporazuma, ako je sastavni dio tenderske dokumentacije“.
 - Potvrda izdata od strane Svjetske antidoping agencije (WADA) - dostavljena je potvrda/certifikat izdat od strane WADA za period 01.01.2023. do 31.12.2023. godine – nije dostavljena potvrda/certifikat za 2024. godinu. U tenderskoj dokumentaciji je navedeno sljedeće: „Potvrda izdata od strane WADA mora nedvosmisleno dokazivati da je ponuđač u vrijeme predaje ponude akreditovan odnosno registrovan za predmetnu djelatnost“.

Komisija za javnu nabavku je u Zapisniku o pregledu i ocjeni ponuda broj: 02-16-3-25-14/24 od 28.05.2024. godine navela da je planirano održavanje e-aukcije. Obzirom da je primljena samo jedna prihvatljiva ponuda, u skladu sa članom 4. stav 2. Pravilnika o uslovima i načinu korištenja e-aukcije (Službeni glasnik BiH broj 80/23), e-aukcija se ne zakazuje.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz tenderske dokumentacije.



U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač Seibersdorf Labor GmbH, najbolje ocijenjen primjenjujući kriterij najniže cijene koja je ponuđena u iznosu od 29.732,53 KM bez PDV-a odnosno 15.202,00 EUR-a bez PDV-a.

Naziv ponuđača čija je ponuda ocijenjena kao najpovoljnija:

PODACI O NAJPOVOLJNIJEM PONUĐAČU		
1	Naziv/ime ponuđača	Seibersdorf Labor GmbH
2	Sjedište i adresa	2444 Seibersdorf, Austrija
3	ID broj:	(FN) 319187v
4	Ukupna cijena ponude bez PDV-a	29.732,53 KM odnosno 15.202,00 EUR
5	Rok plaćanja	20 dana

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama („Službeni glasnik BiH“ broj: 39/14 i 59/22) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



Dostavljeno:

1 x učesnicima postupka javne nabavke

1 x a/a